




嶺南文獻



嶺南文獻卷之二十九目錄

七言律詩

李時行

憶昔 三首

酬陳鳴野見寄

匡山吊古 三首

晉興道中

隱居

經易州界

五月十五夜 駕詣南郊

長安見雪

度蘄門關贈李參戎

林冕

秋杪登朝漢臺

九日偕陳洛南

至野二年丈登鎮海樓

彭應乾

建寧道中感懷

陳彥際

浮丘懷趙太史

林大章

和茅少溪寓會城次杜憲使韻

廓然樓和

春遊節事

和伍抑齋用韻

秋夕寫懷

羅兆鵬

別盧平江之任景陵

鷄鳴山睡起寫懷次陳辛山壁間韻

別陳鸛林

西湖

梁以蘅

次韻自咏

晚至平望驛欲行阻風有懷吳中所知

梁柱臣

集梁比部拙清樓對菊

別燕京作

曉登甘露寺覽眺

雲上行

厓門吊古

與何粵橋計部戴東岡山人集肖玄胡明府

別墅

潘元瀚

尋芝蘭湖址址

謝良任

謁選日久有懷舊遊

大庾會洪將軍招飲賦謝

九日懷武夷山人陳忠甫時忠甫出塞赴成

將軍幕下踰月矣

寄會宗兄南野并姪宗一

寄劉內翰海樵

陳良珍

舟中月夜有懷曾繼夫

秋懷

落花

秋思

城南秋感二首

寄台州太守張少鄰

寄呂中石先生

赤壁圖

落花次汪山人韻

區次顏

容江舟中

寄畢兆先梁幼徵二年丈

蕭應韶

和李御史春遊二首

語水漁舟和督學郭公祖

七夕

梁有譽

瓜步眺望

姑蘇懷古

朝中候旨呈同事諸公

暮春病中述懷

王元美席上賦得懷羅浮得餘字

林大春

度蕭關憶南都友人 出塞

讀遼海集寄蘇中丞

舍弟季子郊居觀梅有作因用其韻自嘲書

以示之

題蕭處士山居

潮之海口有蓮花峰者即故宋文信國登望

處今年之秋游擊將軍金丹始督兵屯營

于此請予為作是詩

胡廷蘭

白沙夜泛

謝都護李園留別

聖誕日古潘道中見桃李花

朝天宮卽事

春日早朝

雨夜與何名川憲副

過徐州與劉又洲兵憲

晚發

贈萬淺源大叅人賀

與吳自湖總制二首

潘真惠

試舟羅江

章憲文

謾興

阻雨宿一嘉舖楊

宿巴東縣

飛練亭

平越道中

泊長沙

余光裕

蕭烈女

有懷

吊岳武穆二首

郊行

大觀亭吊余忠宣公

無題三首

約過李芝山客舍

望君山

梁士楚

中秋九日得晴字

會黃公紹聞倭之作

懷侯國儲參戎

夜郎道中

九日黎惟敬朱石潭鄧雲川湛然上人集朝

漢臺

江潭晚泊

羅見麟

漂母祠

鄧于蕃

寄劉吏部

陶益

人日江墩遺志

粵臺懷古

鄭佐

懷陳士鵠

次梁延復韻寄會

春宮詞

姚文粹

輒有所述

姚光虞

咏雪

寄永嘉劉郡丞

得陳明佐書

贈別黃幼彰次韻

和蘓子仁暮春雨中登木末亭之作

送楊僉憲之雲南

送周國雍守順慶

寄同年陳明佐

寄同年楊孺培

送沈庫部守廉州

玉亭漫述

大司成王公邀集徐園

鷄鳴寺同國學諸公登望

渡江舟次寄送楨伯致仕還里中二首

黃志尹

鎮海樓眺望

王鳳翎

潞河聞長蘧

遂岑省軒還東莞

夏日觀蓮憶濂溪雅趣二首

送李聚吾父母轉北司徒郎

柳可張

奉浮葛二仙入祀朱明館

觀大叅陳道襄釣臺捕魚

送方元素回歙

鄭旻

守歲卽席漫賦

黎民衷

元日早朝

秋日謁陵

奮大崙山人見懷之作

泊京口與友人望金焦

梁 柟

早朝時 皇太子出閣讀書

陳克侯

昆明池留別江雲南郡公陳郡丞王別駕任

節推諸文 二首

夜渡盤江

界亭驛雨泊

十五夜見月

重送陳兵憲

出京承陳戶部德基餞別

岳武穆廟

送游宗謙還蒲中

壽陳淇涯初度

送潘子朋入京

送趙文學之任桃源

邀何康二山人小酌時李子玉梁憲市同集

得盟字

賦得偕壽蘭孫賀潘尹石理父母隱君松原安

人陳氏雙壽舉孫府瑞

李以龍

將北上次白沙先生韻

岑用賓

題劉御史我崧墓

贈戰貢士歸楚

霍與瑕

和韻送時菴陳子歸廣西

七夕陰雨次日雷風更烈

和鄧秀才見寄

黃萊軒見懷依韻奉謝二首

方 蕓

秋夜

送王伯毅還金昌

江行

賦得漢細君

賦得楊柳

劉上進

白燕

飛霞閣小松

郭 棐

阻雪淮上

謁岳武穆廟

出紫荆

寄王元馭內翰年九

湘陰館中寫懷

早朝

送徐少浦膳部侍母還吳

寄別同署諸丈

遊西樵山

落花吟 三首

寄陸菴儀部

畚王忠銘太史贈韻

漢諫議大夫王褒墓

秋江釣叟

憲副招飲黃鶴樓賦謝

大庾嶺謁張文獻公祠

聞東夷報急請援

麥詵軒年兄壽八十庭列十二丈夫子賦賀

區海目內翰北上

和李芳麓侍御宴姚園韻二首

七十一會同前

郭 槃

聞砧

聞鴈

感秋三首

揚州懷古

登飛來十九福地

小姑山

登白雲寺

聞笛

落花四首

李衛公祠

人日淮河阻聞

登岳陽樓二首

謁岳武穆祠

早朝

浮丘懷趙相國

昭烈廟

張廷臣

出郊看花至東山寺

上巳社集喜葉化父至自羅浮

遊浮丘山

蘇民懷

鉢池山

秣陵秋思

黃鏊

歸燕

黎紹詵

夏日次會韋純顯草堂小集

集純顯宅

陳吾德

贈別青霞鍊師

過南浦陳方伯玉叔招讌賦謝

寄陳富伯兄弟

秣歸阻雨

劉廷評鎮中乞歸養南還賦此贈之

度庾嶺逢謝廣文赴漳州博率爾言別

葉夢熊

曹溪寺曉起

薊門

遊靈洲別友

王弘誨

遊白雲山

遊峽山寺

姚光泮

謁安期巖

雪

送槃菴兄之慶遠

太史史聯岳飲翠洞步酌奉會

春日偕里中諸公宴直指李方麓于小圃
辱以詩投贈依韻賦謝

徐尚敷

題樊隱君冊

淮中寄懷姊丈粵橋何計部

送金生親婚入太學

胡所思

廷試早入左掖

和賈舍人早朝大明宮

贈徐合川南歸

咏白鶴花

平日同黎惟敬泛舟

夜坐有懷仰川并寄二弟

見葉落有感

和黎瑤石寄梅

早春

黎民衷

別第惟節北上

歐使君雨蓮以詩見寄次韻奉會

贈方元素次汪司馬韻

送林山人還閩

始至金陵承姚余二侍御過訪

霜夜拙清樓聞笛 遊琪林觀

鍾于田

登舟見月懷鄉友 自嘆

初夏樓居督諸子館課

徐登

方實所得捷南宮便道省觀月夕過訪

燕中送雲岳使南都便道省觀

梁沛

簡水南黎伯亨

翠月宿小圃山家用唐韻

徐士唐

題飛來寺

李學一

冬至齋居 可度嶺二首

題秋水澄源卷

鄭用淵

越王臺 虞美人草

陳堂

送周少叅入賀便道省覲祖母及二尊人
度庾嶺謁張文獻公祠

望匡廬山

遊東林寺

道中聞三極殿大災

送黃肖源憲副之滇南兼懷陳毓臺中丞

雲谷書院謁白沙先生祠

白雲巖瀑布

送袁憲副備兵貴竹

秋日顧直指招飲鎮海樓

百粵吟二首

讀蜀志

聞播州報捷

送何侍御出使三吳

壽黃愚任明府八十一

冬日訪唐寅仲青門隱居

人日曉起

送袁大叅之任海北

陳大猷

葉午溪節推取道柳州適逢九日與諸同寅

敬約小集

懷弟

送馮志第北上補選

和陳明佐花朝韻并懷其弟明瞻

邀王省軒光祿入社 匡門吊古

梁岳

送陳士鵠赴進士舉兼東黎惟敬歐楨伯梁
彥國諸公

春日同陳重衡熊楚伯西園聽鶯得萍字
聞海寇犯省城
暮春燕京懷歸

得孔適第仁和明府書

翠微閣晚眺

曉過穀城寄張明府

鄭學醇

浙河春望

秋懷寄梁先仰

園亭夏日

野人廬

塞上曲

秋日同劉陸韋諸博士氷井寺讌集

李 枳

伏日村居寄歐陽崇積

黃應兆

行經下邳時河決殊甚感賦

題楊氏山居

張繼先

過石門謁吳隱之祠

聞讓兒初轉憲副卽欲陳情侍養賦此諭止

王沂

海舟乘月夜歸

新春湯興

軍中秋夜感賦

朱士讚

滕王閣

潘光統

秋望

冬日同歐楨伯過訶林訪鄧毓元梁彥國

夜過海珠寺

和張山人蘓給事匡山十咏二首

遊蒲澗因過鶴舒臺

暮春同鄧君肅陳垣卿黃幼章陳士鵠梁仲

登集黎惟仁山樓

錢叔寶約遊羅浮畝詩促之

梅花賦別贈黎惟仁之京

同楊祠部懋功遊摩訶菴

除夕過黎惟敬宅守歲

集梁思伯宅送黎惟敬空字

盧允傳同過舍第肇恩野人廬

鄧時雨

詠梁氏鏡林

豐湖晚步同黎惟和賦

花朝集黃幼彰欣賞亭得泉字

夏日社集梁仲登訶林別業得

九日同梁思立王正之諸子集訶林滙上人

方丈得黃字

拙清樓同梁公實夜談

勞紹科

天壽山謁陵

留別廣昌李吏部

嶺南文獻卷之三十九

明蘄陽張邦翼 輯

七言律詩

憶昔

李時行 主事

憶昔吳門秋可憐澹烟疎柳夕陽天青山易得芳時
樂白雪難逢寡和篇茂苑舊遊孤月外橫塘新曲晚
風前只今卧病雲山隔野水蘆花一釣船

其二

兵戈滿地壯心驚極目中原感慨生西北轉輪嗟絡
繹東南寇盜苦縱橫單車多壘誰堪使百稅窮簷願

息征日暮憑軒增涕淚江湖空抱賈生情

其三

水落天空溽氣收微茫烟渚隔沙丘寒催砧杵千家
月霜到關河幾樹秋聲斷塞雲聞鴈過光侵池草見
螢流感時王粲心徒切獨倚荆南萬里樓

酬陳鳴野見寄

千里勞君問索居江空歲晚獨愁予祗緣嶺外無來
鴈莫道天涯少寄書草徑秋深吟蟋蟀石池霜冷落
芙蓉關河迢遞風塵隔兩地同看月色虛

厓山吊古

風吹錦艦覆江濱回首神京半已塵蘇武豈能臣編
虜仲連寧肯帝嬴秦天邊星殞妖先見海上龍興識
未真父老只今猶抱恨每逢寒食薦芳蘋

其二

中原戰血灑腥膻未祚逢厓事可憐禍勝六宮南渡
日仇深二帝北歸年奸諛誤國情堪憤閩廣圖安勢
已偏千古忠魂消不得怒濤長咽海門天

其三

野樹雲垂古廟陰愁翻白浪衆山沉捐身萬里孤臣
淚誓死三軍戀主心日照乾坤餘正氣寒生風雨助

哀吟茫茫滄海深如許不似行人恨更深

晉興道中

水接湘江深復深楚山迢遞映楓林四時不斷烟嵐色兩岸唯聞猿鳥音帝子廟荒霜竹冷伏波臺古暮潮侵蒼梧回首浮雲渺明月清砧動客心

隱居

隱居何必向山林松徑行歌散素襟門外蒼苔來客少雨中啼鳥落花深談玄喜就高僧坐對酒長呼孺子吟身似閒雲隨所適悠悠出入本無心

經易州界

塞北時聞鐵馬嘶薊門霜柳漸淒淒天邊野燒連烽火城下寒砧雜鼓鼙陰磧草荒狐隊出平原風急雁行低尊前不見悲歌客易水東流何日西

五月十五夜 駕詣南郊

祈壇瑞氣碧氤氳合殿松杉絢綵雲繚繞霓旌迴北斗悠揚僊樂度南薰龍飛王帛羣靈會鴈列衣冠萬國分愧比揚雄侍清蹕擬將詞賦獻明君

長安見雪

積素凝寒透瑣闌亂鋪風片轉輝輝祥占太史春偏早曲奏仙郎和更稀色映瑤臺迷鶴舞光搖銀樹失

花飛玉河隄畔人歸晚帶得瓊珠滿客衣

度薊門關贈李參戎

千盤磴道涉媯濱今古華夷何此分
雪嶺有天行赤日玉關無地不黃雲
郊墟漸熄諸烽候野澤閒歸萬馬羣
無數王師守邊郡胡兒空識李將軍

秋秋登朝漢臺

林冕知府

尉佗城外樹含烟朝漢臺荒雉堞連寂寂
了無興王氣纍纍空有化人眠
霸圖自昔疑開粵帝業如今已在燕
愁殺鷓鴣啼落日不知興廢遞推遷

九日偕陳洛南盧星野二年丈登鎮海樓

宦海參商各遠遊相逢此日共登樓
萸囊菊酒酬佳節鴻雁丹楓報晚秋
天上白榆占象緯朝端青瑣重名流
憑高徙倚聯飛蓋不數龍山落帽儔

建寧道中感懷

彭應乾通判

行行烟樹碧濛濛萬綠垂楊夾道中
曉霧細飛雲欲墮天風輕拂日初曛
鳥啼花落隨時變水色山光到處同
芳草不須懷故土揚鞭馬首任西東

浮丘懷趙太史

陳彥際訓導

何年葛社敞江鄉仙吏重開晚沐堂
大雅詞壇通碧漢中天璫樹映斜陽
霞飛石井丹泉出雲鎖松稍窄

夢長遙憶鑾坡金馬客紫烟樓上望台光

和茅少溪寓會城次杜憲使韻 林大章 知縣

單車南海駐江城景色行邊水月明幾處樓臺三島
迥萬家楊柳一川平長安日近鸞書煥粵嶺天高鷄
影橫翹首朗寧瞻罷政謳歌應似此方情

廓然樓和次峰韻

孤嶼樓高峙碧天人間風景正堪憐山開翠壁排千
嶂水引長江注百川駐馬曾留刺史節夢槎重繫使
君船僊踪石上今猶古一度登臨一紀年

春遊卽事

閑携鳩杖出林臯幾伴同穿鶴氅袍野興為耽山水
趣道情猶帶酒詩豪禪關僧結緣中果僊路人看洞
口桃邂逅更逢流水客絃聲松下瀉春濤

和伍抑齋用韻

半幅寒衾一卷瓊昔年挑過嶺雲顛亦知惆悵非時
好難作脂韋取世憐回首煙霞逢道侶寄情水月伴
吟僊與君采采南山蕨勝却當時媿俸錢

秋夕寫懷

園林昨夜拂清飈銀漢秋高玉宇寥月下存懷詩共
約山中無事俗全消金風自與羣芳徧玉露還將百

卉凋聞說西郊僊境近杖藜應去一逍遙

別盧平江之任景陵

羅兆鵬知縣

江城蕭颯起金商塵海萍踪思渺茫萬里間關成夢
鹿十年留滯嘆亡羊白雲嶺外家鄉遠青草湖邊客
路長孤舫與君談繾綣夜深燈火下維揚

鷄鳴山睡起寫懷次陳華山壁間韻

山房夜半酒初醒浣浣階前竹露生遠拚擊隨風歛
陣踈鍾鳴向月低楹松峰畫布禪關峭花徑雲封
夢清吟罷忽驚秋事晚厭厭聞塞鴈向南聲

別陳鷓林

策馬雙江擁客旌草青沙白不勝情爲憐南北行蹤
異謾說陰晴世事更幕府須籌征夢遠花封多愛去
身輕月明鈴閣如相望乘興還酬首石觥

西湖

羽檄江門報險難湖光歛灩得身閒窺春柳葉方青
眼隔岸桃花未破顏檜劈囚秦忠武廟亭開放鶴小
孤山笙歌不厭希文客漫與遊人一醉還

次韻自詠

梁以蘅知縣

一徑縈迴上翠微瓊樓高擁萬山圍携琴客去常懸
榻問字人來或叩扉山靜依稀聞葉落天空迢遞見

鴻飛長安車馬多岐路倦鳥投林且自歸

晚至平望驛欲行阻風有懷吳中所知

江雲漠漠水迢迢去越孤舟逐浪搖微月尚堪乘晚
棹迴風故遣息寒橈正思吳地人方邇為問楓橋路
豈遙此夜客腸翻欲結高樓幾處莫吹簫

集梁比部拙清樓對菊

梁柱臣知州

白水青山秋可憐碧樓風物敞芳筵交深傲吏形骸
外興逐詞人菊酒邊歌罷海雲過暝色坐來簷月掛
寒煙更為後會知能幾江海萍蹤各渺然

別燕京作

煙郊立馬獨躊躇去國身悲萬里餘燕市春光何
醉潞河楊柳病中舒高臺寂寞曾招駿滄海歸來擢
釣魚誰向周南歎留滯風塵一望正愁予

曉登甘露寺覽眺

北固斜臨鐵甕城南徐煙樹望中平山橫海氣諸陵
色江咽寒潮萬里聲書斷梁碑無舊蹟寺荒吳構尚
初名不須更說興亡事蒲月雲霞無限情

厓門吊古

雲上行知縣

宋室腥膻沸戰場翠華漂泊幸炎荒孤忠死國悲萍
梗萬乘隨潮湧葦航俎豆只今祠太后漁樵猶自憶

天王可憐收淚朝衣濕落日悲風易慘傷

與何粵橋計部戴東岡山人集肖玄胡明府別

墅

草玄新柳倚雲栽寂寂山齋鎖綠苔饒有墻頭濁酒
過不嫌花外小車來瑤琴遣興時三弄蘭艇穿城日
几回幸爾隔憐無隙地好懷都在此中開

尋芝蘭湖故址

潘元瀚知縣

北郭新晴訪翠微芝蘭遺址尚依稀越岡井廢官蛙
鬪花園時移蔓草菲霸業銷沉何處問國香搖落竟
誰依南薰似愛狂吟客相送呼鸞道上歸

謁選日又有懷舊遊

謝良任知縣

十年談劍意徐徐此日相思嘆索居生計每從愁處
拙故人多自病中疎看花共逐緇塵裏把酒翻憐綠
鬢初欲售長門還有價恐將詞賦薄相如

六廩會洪將軍招飲賦謝

蚤歲經生爾妙年一朝提劍請燕然驚人策上三千
字報主心懸尺五天江表久知潛鱷跡邊庭須見靜
狼烟春風此際平原酒尤愛山花對客妍

九日懷武夷山人陳忠甫時忠甫出塞赴戚將
軍幕下踰月矣

山人久已秘干將感遇幡然出朔方國士從來多意氣世人難與論行藏天遣白鴈來何遯籬外黃花晚並芳覽勝可誰同雅詠一尊聊且對重陽

寄龔宗兄南野并姪崇一

征軒暫止白雲鄉愛爾瓊枝共一堂綠鬢經年容易改緇塵隨世永應忙當筵月色留清曙照眼春花舞翠裳回首西園飛蓋處風流寧論五陵狂

寄劉內翰海樵

多君握手重相憐桑梓情深念昔年卽墨謗書勞訪問燕臺遊鋏感周旋詩筒一起中原色經術原居漢

室先別後青瑣多閒寂何因門下聽朱弦

舟中月夜有懷曾繼夫

陳良珍同知

江水淒淒流白蘋江城悄悄月華新秦淮草綠鄉心折建業山青客夢頻逆旅依違悲鼓角長途奔走倦風塵美人勞致瑤華贈牢落扁舟萬里心

秋懷

寒入梧桐萬樹霜天涯回首獨堪傷風前畫角吹殘月海上金戈蔽夕陽北去程途多壅隔南來時事盡倉忙風塵滿目堪流涕草奏無因入帝鄉

落花

春色茫茫何處尋
洛陽臺榭錦成林
三千紫蓋東風盡
一片蒼苔夜雨深
欲採幽香傳密意
難裁雲錦寄春心
憑闌睇望無消息
回首池塘盡綠陰

秋思

鸚鵡 聲殘歇
衆芳紛紛桐葉滿
銀床門臨水國秋多
鴈入金塘夜有霜
旅館蕭條依橘柚
故人迢遞隔瀟湘
浮雲萬里奄西北
目斷關河幾夕陽

城南秋感

朝臺雲樹晚幽幽
霜老千林木葉稠
南國秋風吹客鬢
野人歸夢落滄洲
疎慵未赴公車召
放浪仍耽祀

國憂廊廟江湖俱寂寞
有懷空倚粵江樓

其二

栖遲猶自戀江城
社燕巢空木葉鳴
寒入關河催朔氣
秋來鴻鴈送邊聲
已憐爲客黃金盡
况復多愁白髮生
滿眼蓬蒿歸未得
故園搖落不勝情

寄台州太守張少鄰

十載鳴珂入帝州
緇塵應滿鷓鴣裘
青綾暫輟諸郎直
畫戟新乘五馬遊
人計早徵朱北海
分符原屬漢東甌
追趨未得隨平子
何日天台訪阮劉

寄呂巾石先生

銀魚焚却碧山中家住周郎舊宅東
高閣著書藜照夜小山招隱桂成叢
楚天木落霜初到湘水潮來信不通
幾度臨高重延佇夕陽樓上送飛鴻

赤壁圖

斷岸青天起暮潮寒雲古木莽蕭蕭
江山萬里雄圖在煨燼千年霸業銷
露白夜橫孤鶴棹月明風送紫鸞簫
三分割據知何在似臨臯一夢遙

落花次汪山人韻

歛艷斜依薜荔牆華林瑤圃鬪芬芳
凌風欲解飛仙佩帶雨疑頽墜馬妝
芳草一簾開卷盡游絲千尺

楊楊來醉訝春何處片片紅
雲入酒觴

容江舟中

區次顏知州

望入青巒驛外樓風烟迷目使人愁
嗟誰杳杳雲中鶴媿爾翩翩江上鷗
斗酒笙歌聊說劍宦情天地只虛舟
汀蘭畝芷猶相待逝水無聲盡日流

寄畢兆先梁幼徵二年丈

十年岐路雨霏霏憶爾園林早息機
白社一尊萸菊酒青山三月薜蘿衣
沙頭煙霽群鷗鷺谷口雲深摘蕨薇
幾夜兼葭秋水濶漁竿遲我月明歸

和李侍御春遊

蕭應韶知縣

御李今朝出郭西
桃花源水洞門迷
塔前蔓草因風偃
樹裏寒鴉帶日棲
十里清陰飄謝屐
千株濃綠擬蘇堤
登臨莫漫空歸去
隔岸雲邀翰墨題

其二

豸使霜威肅八荒
名園春日餞霞觴
驄輪無自永今夕
民瘼憑誰達未央
嶺徼艱危資倚仗
臺端手采倍尋常
欲知無限東人意
都在鴻飛九戩章

語水漁舟和督學郭公祖

淡雲汀芷翠相連
携李灣頭短棹聯
白鳥狎人漁火靜
錦鱗驚餌浪痕圓
春來篋帶吳涇雨
月出綸收越浦煙

笠澤鷗夷千口事
欵歌今屬打魚船

七夕

七月炎方暑未歸
竹房清簟對荆扉
鵲橋度處雲猶濕
鴈陣來時雨正霏
撫景每憐予獨拙
傾樽還喜客忘機
人間感恨知多少
歲歲相思空寄衣

瓜步眺望

梁有譽 主事

殘虹慘淡已黃昏
江上烟波獨愴魂
京口樹濃藏雨氣
海門風急長潮痕
西來暮色連三楚
北望浮雲隔九關
正值旗亭須買醉
憂時懷土不堪論

姑蘇懷古

看山幾日到吳中
遊客登臨感慨同
金虎跡荒靈氣滅
水犀軍散霸圖空
春歸茂苑烏啼月
花落橫塘蝶怨風
誰識倦遊心
獨苦扁舟長憶五湖東

朝中候旨呈同事諸公

曉望銅龍闕
曙輝曳裾趨
候掖垣扉西
山雲霧開黃
甸北闕星辰護
紫薇地迥遙
瞻天仗肅時
平驚說羽書
飛腐儒通籍慚
何補擬獻甘泉願
轉違

暮春病中述懷

含香朝退每從容
一眺乾坤極漢封
三輔地形通王氣
五陵春色入邊烽
西南戰檄何時息
吳楚軍儲此

日供病憶羅浮塵
夢裡斷雲晴掛海門松

王元美席上賦得懷羅浮得餘字

縹緲丹梯萬仞餘
風塵回首列僊居
石樓積翠臨滄海
鐵柱飛泉落紫虛
鸞鶴凌霞時自度
松苓滿地日堪鋤
何當歸訪葛洪去
四百峯頭好結廬

度蕭關憶南都友人

林大春

提學副使

蕭關北望塞雲層
塞上荒臺秭自登
隴樹晴窺清渭月
江鴻曉度大河冰
壯懷寂寞空羈旅
世事蒼茫念友朋
迢遞何由瞻玉節
欲乘春水下金陵

出塞

三春已暮尚西征慷慨誰憐出塞情烽火連年驚漢
戍乾坤千古限秦城風前劍佩明星落戰後關山青
草生賈誼迂踈空表餌何當投筆靜邊聲

讀遼海集寄蘇中丞

黃河碧海詞源遠中夏諸夷半識名禮樂重開箕子
國車徒新築仲山城玉魚卜地悲羣姓金烏傳方泣
五兵作誦誰如周吉甫勒名已有漢公卿

舍第季子郊居觀梅有作因用其韻有嘲書以
示之

臘殘春近憶郊垞擬看梅花過小亭世態定須愁冷
落良工應已愧丹青風飄雪片衣猶濕月擁芳魂睡
欲醒却笑孤山林處士未能閉戶草玄經

題蕭處士山居

茫茫天地卽吾廬肯向人間賦卜居漫插疎籬種霜
菊閒添新水豢金魚圖開崧嶽丹霞古夢入桃源紫
洞虛帶却清風蒲城郭門前時許駐高車

潮之海口有蓮花峰者卽故宋文信國登望處
今年之秋游擊將軍金丹始督兵屯營于此
請予爲作是詩

誰傾銀漢落晴灣種得蓮花儼翠鬟丞相留題空翰

海將軍行壘耀天山潮聲夜轉漁燈入野色朝開獵
騎還共說邊城屯細柳西風不用玉爲關

白沙夜汎

胡廷蘭提學僉事

客子秋深歸興饒青囊書劍久沉寥征鴻帶日下荒
渚明月隨船起洞簫露冷金卮浮白盡風鳴霜葉亂
紅飄先登共濟無難事獨採江蘭魄易消

謝都護李園留別

畫船槳鼓發城西屯蓋飛觴信棹栖一院紅蕖應爲
醉千峰黃葉不堪題論文愧我追飛兔舞劍知君試
斷犀蒲域干戈重回首幾時談笑靜黔黎

聖誕日古潘道中見桃李花

青雀黃龍天使槎赤城瓊島帝臣家驚濤夜汎千峰
月絕嶠春回萬樹花雁背霞從沙際沒鰲帆風向浪
前除誰臨無地通三界人在中天祝九華

朝天宮卽事

蓬萊宮闕麗神臯鴛鴦斑行人譽髦紫館飛簾懸碧
落玉童持籙下金鰲香浮寶鳳天花散塔擁銅龍地
軸牢自是玄元流惠海不妨金碧是塗膏

春日早朝

碧虛澄霧九衢分太極含暉萬象新闕繞祥雲開鳳

翼旗沾瑞露濕龍鱗鴛行肅穆瑤階曙人意融和玉
燭春白首丹心瞻帝座九天紅日見堯仁

雨夜與何名川憲副

客路萍蓬催短髻石床風雨送殘霄閑庭片片簷花
盡高閣沉沉玉漏選伏枕已違青鎖夢垂衣端想紫
宸朝批龍鳴鳳非無意吹竹彈絲祗自饒

過徐州與劉又洲兵憲

北望彤雲擁帝京帆開秋影下彭城三千未拜諸羗
客百萬新傳小范兵水帶龍溝聯巨艦山圍鵠鶴
危旌佇看奴術酌明王肯把常談慰老生

晚發

使槎初上白沙汀湯卷圖書信獨征竹塢樵煙生薄
霧石潭漁火落殘星閑看浴鷺機應息不採荷蘭佩
亦馨宛宛靈修添悵望瑞雲多處是龍城

贈萬淺源大叅入賀

幾曲薰風度紫薇三山華月映瑤芝箋銜口下龍
顏近酒餞花前馬步遲飛蓋雲仍千里樹流鶯春遶
萬年枝欣逢湛露沾周宴旋聽鳴珂滿鳳池

與吳自湖總制

三年仗鉞擁輕裘談笑平原識壯猷五嶺雲霞開帥

幕九疑煙月入邊樓玉書天上翔鸞日銅柱霜前斷
鴈秋最是歸來投筆吏每從銀漢望旄頭

其二

金城千雉起黃灣坐控三藩百二關桂浦東迴雲作
嶂扶胥南下浪爲山珣弓掛月龍蛇動赤幟連營虎
豹閑共說功成應勒鼎卽看池上鳳毛還

試舟羅江

潘真惠贈負外郎

漁舟初試大川湄不盡晴風捲釣絲渭水高風非夢
想羅江大隱是心期何嗟白髮巾中早可笑青雲
下遲四顧溪山成寂寞海鷗堪與共忘機

謗興

韋憲文長史

津亭晚色見霞紅馬首香浮杜若風竹浦網收魚聽
笛茆茨烟起鶴翔空水邊露滴蒹葭末籬畔棋殘橘
柚中多少旅懷題不得野橋幽店樹重重

阻雨宿一嘉鋪楊家

深麓人家四面青山腰楓影落前亭魚遊半入田間
草雲過偏拖壁上銘香遶硯池書幌靜水環圖畫竹
門扃雙珠况是堪延客相對殘燈酒未醒

宿巴東縣

山路沿江得驛邸巴城俯瞰急湍西天邊楚嶠批鴻

斷巒上川雲罩樹低燐火夜明催犬吠葉聲秋急應
須啼看詩壁上多磨滅欲向高崖大字題

飛練亭 一名白兔亭在蟠龍山上

白兔亭開萬仞峰淒清飛瀑下蟠龍玉虹遠貫撐玄
昊銀漢斜拖掛碧松廬嶽曉暉浮石室樵山秋色泛
芙蓉舊遊勝境俱懸夢秋日停車嘆此逢

平越道中

野戍荒烟擊柝悲羅施諸部隔山菑烽墩近路催行
騎松嶂連雲護漢旗遷客自憐邊塞畧旅懷多負薛
蘿期行行滿日荆秦道白石黃泥起暮思

泊長沙

落日雲流混碧空蒼蒼江菼曳霜風千秋惜賈人何
限一賦哀原氣尚雄溪近寒林聞鵬鳥岸登平陸見
丹楓滿山搖落江聲寂腸斷天南野色中

蕭烈女

余光裕長史

黯黯愁雲結晝陰墳頭烟雨草蕭森風戈不落青春
膽血刃難移白日心象海月沉珠有淚泉臺霜冷鶴
無音青鸞已去英魂在讀罷殘碑感慨深

有懷

年華荏苒二毛侵飄泊江城思不禁雲盡海天多暮

色竹深門逕半秋陰干戈滿地英雄淚風雨連燈故
舊心人事蕭條鄉土惡感時傷別獨長吟

吊岳武穆

唾手燕雲將虎豹雙旌無奈朔風吹長城已壞班師
日天柱俄傾破虜時霜冷翠華終北狩月寒宰木何
南枝奸諛未死英雄盡回首山河轉夕曦

其二

長驅鐵騎蹀闕氏十載成功一旦虧冢上暮雲繁綠
草廟門春樹怨黃鸝子胥江冷吳恩薄諸葛營空漢
祚危萬里飛塵愁二帝返魂飄逐向南箕

郊行

西風羸馬出官亭陌上行人間使星鴈落野塘霜正
白鴉藏烟樹柳初青幽巖路轉通花塢曲澗泉流入
竹垞極目滄江天萬里祥雲佳氣護王庭

大觀亭吊余忠宣公

木落山空飛杜鵑蘋蘩方興恨悠然一腔節槩冰霜
凜九曲肝腸鐵石堅荒井梧桐秋鶴淚寒塘風雨夜
龍眠不堪愁斷吟魂處芳草斜陽綠樹烟

無題

仙漏銷沉夜斗橫深閨寂寞守長更啼鶯語燕心中

事芳草閑雲夢裏情愁損玉肌羅帶潤恨隨錦字淚
珠盈花神一去繁華歇零落東風過楚城

其二

簾幙低垂隱夕陽金風測測透羅裳欲將底事題紅
葉難把芳心繫綠楊巫峽雲迷猿夢冷仙橋雨過鵲
坭香慵粧倦洗愁無奈一曲琵琶一斷腸

其三

江流縈帶九迴腸無主春風入野塘門外斷雲連剝
雨窻前殘月掛垂楊繡床倦倚金釵亂羅帳偷含玉
勒長一片芳心關不住夢啼蝴蝶過東墻

約過李芝山客舍

金印銀魚却是閒宦情無奈只青山九霄杲日羅樽
酒三楚香風振珮環琪樹瓊花堪把賞丹崖翠巘許
躋攀仙靈莫向關門掩有客來過煉大還

望君山

一望竒蹤便羽翰天開紫翠足游觀湘妃墓古楊花
白杜毅祠荒木葉丹山氣螺堆霄漢色波光鏡徹斗
星寒鼎臺龍去琴聲杳猶有漁翁弄晚爨

中秋九日得晴字

梁士楚叅叢

九十分秋夜氣清半輪滄海試新晴東窻漏轉花移

影南浦風高鴈有聲千里美人圓缺恨一尊詞客古
今情相呼莫厭楓林醉玄鬢年來不祗自驚

富黃公紹聞倭之作

滄海藩離徹五城竹垣荒舍有哀鳴清湍半飲胡人
馬落日空窺漢將營豪吏夜呼酒虎嘯美人春怨帶
鶻聲長纓莫笑迂儒計試向尊前數甲兵

懷候國儲叅戎

信陵賓客識候君持節南驅萬馬羣晝把烏弓開塞
月夜潛魚陣出關雲牽衣最喜春風滿把酒猶驚夜
雨分去日小樓僧未老琅琅經貝不堪聞

夜郎道中

夜郎城北控南關遠俯三巴近百蠻漢相戰功留赤
水唐人詩思半青山溪菁宿雨猿應嘯嶺樹連天鴈
欲還同是邊城更愁甚可堪停轡問民艱

九日黎惟敬朱石潭鄧雲川湛然上人集朝漢

臺

初衣歸隱故山中出郭風煙迥不同曲水細分陶徑
遠暮雲低傍漢臺空高僧機向青山息上客詞兼白
雪工回首廿年征戰擾祗餘殘菊對飛蓬

江潭晚泊

雨岍風花散逝波共憐孤夢遶江沱燈前對酒虛鳴
劍海畔傳書尚枕戈百計術窮詹尹卜千愁心折鄂
君歌濃烟處處迷芳草不見王孫奈爾何

漂母祠

羅見麟知縣

一飯相憐良不易千金為報更何難天生豪傑終扶
漢誰在塵埃豫識韓阿母淮陽祠貌古王孫雲夢主
恩殘登臺一掬傷心淚灑向西風木葉乾

寄劉吏部

鄧于蕃運使

曾記龍門御李時汪汪千頃玉為姿興來共酌三山
月別去難裁尺素詞廬

吟思狂余潦倒衡茆下猶慰雲霄有故知

人日江墩遣意

陶益訓導

谷口鶯啼半畝春榆錢遶屋未全貧從將白髮衣冠
舊漫對青陽歲月新當檻折梅懷驛使隔籬呼酒話
比鄰九霄人勝金屏宴不換江邊一釣綸

粵臺懷古

粵秀山前白晝陰粵王臺上獨登臨城迷驛晚雲煙
迴殿歛采恩薜荔深漢將豈能留月帳淮夷那復賂
南金英雄事業終難料嘯向春風任陸沉

懷陳士鵠

鄭佐通判

北望望君君復西勞勞亭上草萋萋凌霄鳥道星隨
劍躍馬盤江鐵作蹄雲雨來時巫峽寢登臨到處楚
騷題十年回首黔中路腸斷春風錦翅啼

次梁延復韻寄舍

盈盈一碧海天寬百折洋河路不難塵閣故交玄是
草班行猶羨鷺為官黃花酒泛霜林淨朱鶴琴橫雪
夜寒多少滄夷待側席未應長嘯問漁竿

春宮詞

長門絲柳鎖春晴黯黯飛花對畫屏一自香風開綉
戶坐聽團扇起鞭聲霄衣想見宮雲爛疏草爭健

日明辛苦萬幾惟補袞佇看垂拱瑞河清

輒有所述

姚文粹贈御

尋幽乘輿陟高崗曲徑人稀草自芳冰井寺邊山澗
冽韓公祠下午風涼鳴禽見客聲偏急古木凌空色
故蒼長嘯薄林天地迴舞雩襟度落遐方

咏雪

姚光虞知府

城上寒雲滿翠微四郊雨雪晚霏霏忽驚萬樹梅俱
放轉覺千門絮亂飛高閣夜闌斜映燭疎簾風入細
沾衣歌鍾處處留歡賞誰念袁安卧掩扉

寄永嘉劉郡丞

西粵風塵感昔遊，別來又復憶東甌。
天涯知己誰青眼，世上浮名共白頭。
千里夢懸華蓋月，一封書到冶城樓。
剡溪延佇無多路，不得輕移雪夜舟。

得陳明佐書

尺素東來蜀道長，交游誰問老馮唐。
官貧祇欠尊中酒，客久能添鏡裏霜。
錦水曾聞遺聖跡，閬州何事斷人腸。
杜陵詩卷今猶在，爲訪橋西舊草堂。

贈別黃幼彰次韻

傍午何人此扣扉，携尊特過子雲亭。
天涯作客頭俱白，世上看君眼獨青。
詩爲窮愁工亦拙，酒於惜別醉

還醒。南行紫氣庾關蒲，誰倚青牛乞著經。

和蘓子仁暮春雨中登木末亭之作

木末何年此構亭，長林春雨畫冥冥。
洲邊二水兼天白，城上三山盡日青。
古寺荒涼空落葉，遊人聚散只浮萍。
殘碑衰草凭闌外，感慨尊前酒易醒。

送楊愈憲之雲南

萬里看君擁傳行，夜郎天外見滇城。
百蠻攬轡邊塵靜，六月飛霜憲府清。
驄馬聲華留建業，碧雞詞賦起昆明。
西南到日仍傳檄，父老爭迎漢長卿。

送周國雍守順慶

使君千騎擁朱幡此去誰云蜀道難列郡分符虞岳
牧前驅負弩漢衣冠溢城月色揚舠渡巫峽濤聲倚
劍看行矣外臺今不薄循良卿相滿長安

寄同年陳明佐

粵海頻年信息疎春來遷客意何如蜀中舊草征蠻
檄白下今傳諫獵書長孺祗應留禁闥安仁未擬賦
閑居珠江二月歸鴻滿遲爾新篇爲起予

寄同年楊孺培

聞爾江潭賦卜居乾坤生計只樵漁已知楚客傷蘭
佩不向王門曳錦裾歸去獨憐貧靖節倦遊誰識病
相如安期巖畔頻回首何日山中共結廬

送沈庫部守廉州

吳下才名沈隱侯獨騎紫馬向南州離筵曉落三山
寺征旆晴分四月秋客到炎方春雨滿珠還滄海夜
光浮漢家銅柱今猶在此去憑君一借籌

玉亭漫述

永夏池亭且嘯敖門前休問長蓬蒿微官始信如雞
肋散地今看似馬曹無客經時慵束帶有詩終日任
揮毫不妨寂寞長扁戶贏得清閑對濁醪

大司成王公邀集徐園

上公別業敞秋筵
水榭山亭隱洞天
蕩槩荷花紅漾
日停盃修行翠
含烟樓前鐘阜
當窻出樹杪
秦淮帶郭懸
何似西園開
鄴下詞人飛
蓋夜翩翩

雞鳴寺同國學諸公登望

峒崑山寺掛城頭
晚向山城上寺樓
萬里潮聲揚子
渡千門樹色秣陵秋
僧從上界依雲卧
客似南皮選勝遊
臨眺不堪重吊古
由來江左帝王州

渡江舟次寄送穎伯致仕還里中

楚江歸客片帆懸
千里秋風興浩然
豈謂揚雄疲執戟
已知蘇晉欲逃禪
羅浮林壑雙藜杖
珠海烟雲一釣船
但使幽棲能避俗
何須三頂鑑湖田

其二

有客抽簪去不還
清秋歸卧大崙山
白雲直欲尋眞隱
青瑣無心戀舊班
歲月催人雙鬢短
乾坤任我一身閒
何時杖策朱明洞
四百峰巒爾共攀

鎮海樓眺望

黃志尹 知縣

共倚層樓俯大荒
粵都形勝自金湯
神州望切丹心
爛化國恩深白日
長烟火萬家周井
牧河山千里漢
封疆中原豈直秦
關險猶有東南百
二強

潞河聞長蘧

王鳳翎 知縣

帝里鶯花隔翠微，短蓬長笛晚依依。
天清洞府龍爭吼，風細秦樓鳳欲飛。
江渚淒聲生客况，關山晴色照人衣。
不堪吹却梅花落，腸斷天涯春又歸。

送岑省軒還東莞

握手初逢燕市中，笑隨羣俠競相雄。
傾尊夜醉盧溝月，說劍寒生易水風。
倦足九衢憐躍馬，歸心萬里羨冥鴻。
湘蘭沅芷如堪贈，好寄新栽碧水東。

夏日觀蓮憶濂溪雅趣

何年白社種青蓮，君子堂開儼昔賢。
逃暑共尋泉石約，采芳重結水雲緣。
郵筒香注流霞滿，仙掌珠擎湛

露圓。二徑不知身已隱，尚從濂洛問真詮。

其二

習家池館足流連，十丈重開玉井蓮。
清影半搖朱幕外，暗香微動綠漪前。
披襟北海渾無暑，對酒南薰恰有緣。
自別周郎誰是主，芳心空寄愛蓮篇。

送李聚吾父母轉北司徒郎

纔瞻棨戟下炎荒，又促公車入帝鄉。
畫省含香新寵渥，金亭飛鳥舊循良。
延津劍拂秋霜肅，南海珠懸夜月光。
東事正當戎馬急，邊儲誰念轉輸忙。

奉浮葛二仙入祀朱明館

鄒可張 知縣

五穗城西一玉壺浮來仙石隱秦燕峰頭鳧鳥空雲
霧天際鸞笙半有無井注丹泉流石瀦鶴乘香篆趨
仙都錯珍不用修清供直采羅浮九節蒲

觀大叅陳道襄釣臺捕魚

仙城卜築自疎迂臺沼烟花類玉壺少小春江看化
鯉老來秋思却懸鱸鮮烹細繪頻供饌庖有新醅不
用沽一自天雄歸汗馬蒲輪還到渭川無

送方元素回歛

夜寒離思妬疎鍾夢逐梅花雪裏蹤憐爾中原推倚
馬爲誰炎海此登龍停車已識仙羊石飛蓋還期

鶴峰歸去倘成司馬信好將奇勝寄題封

守歲卽席漫賦

鄭旻布政使

禁城促漏迫青陽客裏傳杯引興長佳節有懷驚爆
竹聖朝無補愧含香千門柳色寒將放三徑松陰日
就荒奔走界途筋力倦獨歌招隱立蒼茫

元日早朝

黎民衷叅政

珮玉珊珊候紫宸萬方齊慶履端辰星垂彩仗天文
麗鶴簇仙班月令新王氣晴開龍闕色卿雲霄蔭鳳
池春微臣幸忝方明御願奏時康叶帝鈞

秋日謁陵

岩堯宮闕冠層丘大野蒼茫紫翠浮銀磧風高聞鴈
度鼎湖雲起識龍游隆墀暝落金鋪色丹磴寒霏白
雪流回首長楊風露冷何來形勝滿神州

畬大崙山人見懷之作

江城離夢一樽殘霄漢雙魚破臘看滄海夜迴明月
色青山春掩薜蘿寒風塵玉樹愁來倚天地綈袍醉
裏寬烽火中原難獨卧長歌招隱路漫漫

泊京口與友人望友人望金焦

破浪乘風信晚潮一尊烟雨對今焦江搖白羽塵三
幽簾捲青山鎖六朝鏡裏魚龍聽梵起天邊臺榭旅
魂銷浮踪何事分南北欲借雲房結勝招

早朝時 皇太子出閣讀書

梁 棟知府

西山雪霽曉蒼蒼玉帛車書覲 帝鄉鵲觀雙懸天
北極龍樓交映日重光和風旆列龍蛇動氣肅鴛鴦
劍珮長衣職小臣無寸補十年主計愧含香

昆明池留別江雲南郡公陳郡丞王別駕任節

推諸丈

陳克侯同知

尺一遙勞下紫宸 主恩猶爲及繫臣塵埃忽黜龍
精色天地仍全馬革身豈爲鷹鷂畚妬鳳祗應魑魅
喜窺人滇池十載追遊地誰擬波瀾日夜新

其二

亦知翠羽竟爲災，豈意虞羅四面來。
萬事悠悠難預料，孤懷耿耿易蒙猜。
天高肺石干誰問，水盡牙絃撫自哀。
可道營魂終識路，不堪風霧滿滇臺。

夜渡盤江

暑夜猶馳瘴癘鄉，盤江橋下水如湯。
渴來虛望雙莖露，病裏真疑五月霜。
徼外有天偏毒熱，人間何地是清涼。
薰風殿閣先應到，竚候虞絃解愠章。

界亭驛雨泊

風雨冥冥白日沉，孤舟無賴繫楓林。
浮雲不逐相流散，芳杜空傷楚岫深。
安得橫戈穿虎窟，且從高閣聽龍吟。
江潭渺渺魂何在，欲問巫陽淚不襟。

十五夜見月

病裏頻驚節序催，碧天華月爲誰來。
亦知憔悴孤秋色，猶自清光傍夏臺。
攜素空聞雙杵斷，驚弦何處一鴻哀。
桂宮恐有浮雲近，寒倚吳干望幾回。

重送陳兵憲

霜雪都亭攬別裾，重看沙柳迥蕭疎。
生還天地分携日，老去風波共涉餘。
橫隼謾勞驚海燕，冥鴻應免葬江魚。
休疑隱矣文焉用，九曲雲烟待著書。

出京承陳戶部德基餞別

落落窮秋酒市空
河梁猶得一尊同
悲歌今夕仍寒水
琴奏何人自土風
擬遂變形終牧豕
豈因垂翅後冥鴻
江湖日遠浮雲渺
可得憑高望漢宮

岳武穆廟

遺廟淒其薦藻晨
風霾黯淡兩河塵
北轅未洩敷天憤
南渡先摧報主身
廟畧競持加幣議
國讐誰是枕戈人
獨憐湖上高原樹
春發南枝歲歲新

送游宗謙還蒲甲

幾從絕壁覩新題
又向江臯惜解携
客路半隨桃李
杖鉤輪長夢木蘭溪
老辭鬼苑家無定
醉握驪珠不迷君
去掩關予歎卧
有誰能訪薜蘿棲

壽陳淇涯初度

元龍豪俠氣飄飄
解綬歸來鬢未凋
倚馬才曾傾四海
懸車名更重三朝
紫芝深谷還堪茹
鴻鵠高雲不受招
正值庭階風日好
春蘭新灑露華饒

送潘子朋入京

建章佳氣曉籠蔥
夾陛傳呼綵仗重
萬國競欣承湛露
五雲齊拱祝華封
西陲鼓角秋仍急
南海珠璣歲自供
共擬嚴徐應召對
草茹何以奮遭逢

送趙文學之任桃源

共知經術重西京
裘馬翩翩此日行
正際分符臨赤縣
暫勞飛鳥爲蒼生
碧桃匝洞春將徧
白壁連城夙有名
君到楚天明月夜
瑤琴揮對玉壺清

邀何康二山人小酌時李子玉梁憲甫同集得

盟字

開徑蓬蒿剪未平
鶉鳩忽漫報新晴
霏霏山翠梢簾入
孀孀松雲向客生
坐引深杯留日永
閑攀叢桂對秋清
匡時正賴諸君在
莫羨江鷗早結盟

賦得偕壽蘭孫賀潘君理父母隱君松原安人

陳氏雙壽舉孫應瑞

閒居蚤已謝羣煩
洛矣風流今尚存
卧向白雲收夕靄
起臨滄海挹朝暉
侍遊客有從鳩杖
偕隱人堪並鹿門
最是庭階饒喜氣
蘭芽蔥蒨映芳尊

將北上次白沙先生韻

李以龍舉人

花滿溪頭水滿陂
林亭深處日華遲
秋根自老便高枕
嶺樹回春正北枝
魏闕忽驚滄海夢
柴門終與白雲期
明良千古憑誰計
堯舜巢由亦此時

題劉御史我松墓

岑用賓給事知府

北郭荒郊多墓田
白楊青草自年年
千秋欲下雍門

淚此日猶傳京兆阡
鄒母寒零荒蕪地
王哀忍誦蓼莪篇
寒雲落照棲鴉晚
愁對殘碑一愴然

贈戰貢士歸楚

楓葉蕭蕭問去津
臨岐把袂一沾巾
千峰白鴈逢歸客
三徑黃花候主人
司馬遠遊多博物
相如能賦亦甘貧
瀟湘赤壁堪乘興
憶爾應知入夢頻

和韻送時菴陳子歸廣西

霍與瑕僉事

芳庭對酌思沉沉
一幅琅玕萬古心
碧海歸舟雲樹遠
東風回馭落花深
惜春漫作黃鸝調
恨別聊爲白鴈吟
知爾鳳毛成五色
朝陽時復聽徽音

七夕陰雨次日雷風更烈

佳人脉脉更亭亭
閑倚軒轅作畫屏
應爲牛郎頻隔歲
故將鸞鏡掩空冥
天河瀉恨雲偏惡
風雨傾愁夜恐聽
十二萬年年一會
不知何事未能平

和鄧秀才見寄

亂峰盤薄翠週迴
萬綠陰中小徑開
洞裏風香偏足桂
山間秋色故侵苔
詩篇得意聊千首
觴酒輸人任幾枚
客子相過無厭數
一尊傾盡一尊來

黃萊軒見懷依韻奉謝

避暑西峰俯大荒
山高入靜日偏長
最宜古樹依簷

碧更有閑花滿澗香風采久疎憐舊雨晚陰誰共納
新涼再三歌諷陽春曲清韻悠悠繞野塘

其二

離索經時思渺茫懷人山院苦天長古崑過雨雲猶
滴老樹着花風亦香拄杖尋芳偏足句移杯傍竹不
勝涼更憐野趣無人共翡翠時窺清淺塘

秋夜

星橫碧落鴈初歸徙倚虛庭入望時聲斷紫簫花
鳳露寒丹桂月中枝病添司馬金莖渴夢覺紅蓮
未進亦劍十年猶是客半生雙鬢易成絲

送王伯穀還金昌

樓船青雀繫河梁別思天涯酒一觴蘭佩乍分心上
結柳絲新折路頭霜碧霄有夢吳洲遠明月無情越
水長却憶子猷書劍外暮山雲雨似瀟湘

江行

越江蘭漿曉春移宿雨初收水蒲堤處處引童耘舊
隴家家牽犢試新犁桃花帶暈紅猶淺柳葉拖金綠
未齊客路正愁行不盡玉蕖叢裡鷓鴣啼

賦得漢細君

高樓鳳去瑣寒烟風物江都已惘然胡地夜笳驚戍

馬漢宮春色怨啼鶻鳥孫老去羶房冷黃鵠歌殘弄
幕前生入玉門猶腐骨不知青塚草芊芊

賦得楊柳

間杏欹桃最可憐東風颺漾綠絲牽金衣公子饒簧
舌繡陌行人繫畫船隋帝宮墻千樹雪陶家門巷五
株烟閨中悔殺封侯事幾度登樓思惘然

白燕

劉士進知縣

姑射山頭化雪衣却憐春色到此柴扉舞依玉樹梅花
墮影落瑤塔柳絮飛乍入鷺行猶縹緲便隨蝶去更
依稀昭陽殿裏春如許莫怨秋風獨自歸

飛霞閣水松

飛霞高閣俯雙松綠水寒塘翠欲重風送濤聲
雀日啣波影散虬龍曾供陶令三秋興不數秦皇三尺
命封歲晚不渝冰雪操採芳何處問芙蓉

阻雪淮上

郭棻光祿卿

東風梁苑艷春容惜拂青羶嘆不逢岐路猖狂悲阮
籍角巾寥落笑林宗空麾劍氣寒星斗未勒勛名上
景鍾二十年來成底事風流應自愧人龍

謁岳武穆廟

巖岷宮殿鬱寒雲似擁團花舊戰裙當日何人憂社

稷將軍獨許掃妖氛五千鐵甲心逾壯十二金牌事
始分遺恨尚懸湖上月年年清夜照孤墳

出紫荆

劍戟森嚴列四山飛旌晨度紫荆關馬行古樹風霜
裏人在層霄石磴間燕關北瞻紅日近粵山南望白
雲環宦情鄉思俱寥廓一夜愁來鬢欲班

寄王元馭內翰年兄

遠從王事趨秦塞回首燕雲戀起居漠漠三關屯鐵
騎迢迢千里轉金車寒生雪窖侵貂袂夢入冰天斷
鴈書遙憶姑蘇士大夫何清近何如

湘陰館中寫懷

蕭蕭寒雨灑寒窓銀燭微茫黯不光客裏家鄉勞苦
寐楚中風物助淒涼諸城夜到多鳴柝五嶺年來有
戰場從此鏡中添白髮可堪愁思度瀟湘

早朝

特調客部提督四夷館

鳴珮晨趨謁紫闈曉烏權趨萬年枝風吹花片依龍
宸霧帶檀香繞鳳墀簪綬幸逢周典禮蠻酋爭覩漢
威儀顧慚襪線無禪補願矢丹衷詠素絲

送徐少浦膳部侍母還吳

紫鸞銜詔出長楊驛路秋光映曙霜三楚風烟搖使

節五雲宮闕戀虞裳逢時共羨青春茂愛日還懼白
髮長我亦有懷歸未得夢隨君去度瀟湘

寄別同署諸丈

畫省當年並馬遊可堪獨上木蘭舟天涯節序紛紅
葉海內交情幾白頭客夢猶懸燕地月歸心已趁鴈
城秋欲知別後重和憶夜夜天南百尺樓

遊西樵山

川原繚繞草萋萋西去天梯路不迷蒲迳懸蘿無犬
吠隔林脩竹有鸞棲泉鳴羣玉飛青磴橋跨巖
碧溪振袂忽躋千仞上暮雲隨萬山低

落花吟

萬豔含烟卸曉陰飛飛零亂滿園林二春景盡青華
老十里紅飄紫翠深蝶恨香殘多怨拍鶯憐粧淡有
悲音清絲急管歡遊地惆悵翻成憔悴吟

其二

芳樹陰連穗苑東春殘那復有殷紅影搖院裏三更
月香墮樓前一笛風杜咏悠悠惟寫恨殷懷咄咄祇
書空可憐九十韻光麗虛入邯鄲客夢中

其三

行吟更上望春臺客思傷春未易裁捲幔風前花影

亂倚闌江上笛聲來幽香欲佩嗟何及愁緒如稠闇
不開細數物華零落易相看那得罷銜杯

寄陸湛菴儀部

昔年解佩出長揚腸斷秋雲遠陸郎別去同誰抽彩
筆病來多自檢丹方避人溪鳥翩翩逸得雨階蘭漸
漸芳遙憶干將今躍冶幾回瞻斗見虹光

畚王忠銘太史贈韻

金臺秋月傍簷明尊酒勞君子夜傾卧郡汲生元近
贛登樓玉粲有高名瓊花自解憐芳色玉笛那堪咽
別聲此去思君何處所暮雲江樹總關情

漢諫議大夫王褒墓

路繁花映翠岑蘚封霜色助蕭森孤墳寂歷青山
曲一逕蒼茫紫氣深金馬碧雞何處所蜉蝣蟋蟀自
秋陰臨風慷慨彈雙劍憶爾當年作頌心

秋江釣叟

楓葉蘆花一色秋蕭蕭風景勝滄洲船頭白酒香初
滿海上青魚喜漸收把袂漫裁招隱賦放歌聊作醉
鄉遊夜涼月靜天如水長嘯真輕萬戶侯

憲副招飲黃鶴樓賦謝

跨鶴仙人凌太清千秋高閣尚崢嶸江光遠帶瞿唐

峽樓勢平連鄂渚城歷歷楚山湘女淚萋萋芳草漢
臣情當尊莫厭深杯飲醉裏如聞玉管聲

大庾嶺謁張文獻公祠

丞相祠高庾嶺陽綠槐翠栢蔚蒼蒼當年風度雲霄
迥異代丹青日月光古棟流霞虛掩映畫簷飛鶴晚
迴翔重來趨謁心殊愧勲業無成鬢易霜

聞東夷報急請援

東封消息近如何如報道三韓急羽書樂浪半爲豺虎
窟遼陽誰謂山鴈鴻君休教鴨綠多飛渡須遣龍驤
掃除此日云一尊頻拊髀諸君何得擁簪裾

夢詠軒年兄壽八十庭列十二丈夫子賦

五羊居近列仙都君握長生不老符華髮三千金鼎
就庭蘭十二錦雲鋪圖開函谷關中景酒獻蓬山碧
玉壺從此百靈廷上筭又增名入閩風圖

區海目內翰北上

三城春樹鬱蒼蒼惜別凭高思世茫客路雲光隨使
節茂林花信待仙郎金莖玉露中秘芝檢琅函出
尚方知列夔龍饒樂事共看老駮騁康莊

和李芳麓侍御宴姚園韻

柳徑傳呼使節來德星聚處耀三台出墻高幹初舒

杏調鼎繁枝上綰梅已何尊前勤問俗更從物外且
傳杯憂時疏切批鱗語獨立中三百尺臺

其二

太極門開有路通春飈遙送蕊珠宮羣峰羅列疑天
上一水蒼茫似鏡中蝶帶花香來比樹鶯啼槿樹鬧
東風徘徊未盡空臨興更何前出桂樹叢

七十一 俞同社

乞得閒身下殿頭片心已被海雲留尋常行樂惟書
案七十稀齡又度秋投壘句皆雙白瑩取吟尊有幾
青州多情蓮社同心信容我珠玉世釣鉤

聞砒

郭

繁同知

露下秋林木葉稀鄰家砧杵韻初飛三秋塞北悲傳
檄十月江南始授衣敲落夜燈渾不斷夢回孤枕響
猶非閨中少婦勞相訊爲問征人歸未歸

聞鴈

蘆花淡白水微茫又聽離離旅鴈翔幾點亂雲迷洛
浦數聲和月起蕭蕭蹉跎故國家十里迢遞鄉音字
兩行楚水吳山舊時路年來何事竟忙忙

感秋

鎮海樓高鎖暮烟清秋蘭桂有嬋妍美人漫憶看花

地僊子猶傳化石羊千里梯航求翠羽萬金懸市構
龍涎那堪回首空腸斷徙倚山城眺遠天

其二

一自烽烟銷客魂驚多難不堪論鯨鯢畏是衝波
險鼓角愁兼下瀨喧地湧洪濤翻白晝天搖寒浪暗
黃昏商聲蕭瑟憐孤翮直欲排雲叫帝閣

其三

玉露零零報早秋涼飈初布火星流南園詞賦俱寒
落北海賓從滂去留又月每思王粲賦懷人還上李
膺舟感時逢

揚州懷古

離宮行樂擁霓旌誰料當年識已成彩仗曉花空結
恨畫樓初月衝含情龍歸汴水金甌覆駿沒遼雲玉
軸傾惟有垂楊依舊堞春來猶自轉啼鶯

登飛來十九福地

何處飛來鷲鷲峰層崖嶺峯散芙蓉烟迷萬象開禪
室風落千巖響梵鐘金鎖跡荒潭水靜玉環情斷洞
雲重遙思帝子登高處猶何丹函覓舊封

小姑山

小姑凝盼翠娥愁獨自臨粧上畫樓初日乍懸金鏡

曉暮雲長傍寶釵浮衷情欲訴湘江遠幽恨還隨漢
水流一自含顰朝玉輦至今凝望六龍遊

登白雲寺

芙蓉千仞倚層空躡屐捫蘿有路通十二瓊樓連碧
落三千金界散洪濛天邊忽洒仙人露檻外長吹玉
女風聞說廣成丹尚在便應晞髮卧崆峒

聞笛

何處懷人不斷腸笛聲哀怨起江鄉落花盡入羌人
調歸淚曾沾楚客裳明月千家砧杵動關山一曲
曲魂長流年况是客髮那獨落潘郎鬢有霜

落花

一番風雨到粧臺腸斷芳菲恨未成忽逐暗香隨水
去又飄疎葢入窻來紅鋪沼面平如綺綵謝堦前散
作瑰爲惜飛花重結子賞心寥落罷啣杯

其二

何處笛聲驚晝眠乍聽忽爾思凄然捫空零亂飄紅
雨點地輕盈散紫烟恨入漢宮因骨蝶愁隨湘浦爲
啼鶻韶華已盡穠芳歇指點清明又一年

其三

美人樓上惜韶光湯自朱顏淡掃粧隋苑曲終紅拂

散石家歌罷綠珠忙羞他溽雨芳容改却晒回風舞
態狂檀板柘枝猶未歇一聲羌管在橫塘

其四

朝來陰雨更連綿簾外飛花暗遠天忽向畫堂污玉
匣乍來香案覆金錢飄殘片片添閨怨散謝枝枝撩
客憐開落由來隨節候閉門休咏刺桐篇

李衛公祠

杖策還能作帝師從來俠客負天奇白衣自擁旌
輅出紅拂偏教羽騎隨大陸龍飛開茂烈荒原鷄
石靈祠勛名到處人爭羨磊落蒼崖起義碑

人日淮河阻聞

淮海巖扃若建瓴春程那得遂
物艸金花綵勝憐人日銀漢孤槎滯客星忽漫洪
河經當年禹貢傳書日疏鑿何人奏漢庭

登岳陽樓

層樓面面水雲孤南紀風烟
畫圖鐵鎖金繩淹歲月朱扉碧瓦映江湖詞人彩
筆分憂樂羽客靈踪漫有無十二曲欄堪徙倚冷
然真訝訪僊都

其二

頃洞湖光楚水西開軒四
與雲齊龍宮焯燦珠初

吐橘井蒼涼路已迷雲暗九疑春夢遠波連七澤暮
烟低乘風自起飄然思詫有僊人萬仞梯

謁岳武穆祠

南下當年駐六師猶聞嶺耀旌旗雷驅大澤龍堪
走電掃深巖鬼亦悲去國一心終戀主孤忠千古欲
吞夷可憐滿目英雄淚蕭颯西風暗自垂

早朝

璇樞河影尚稀微禁籥鐘聲遠曙暉三極殿前雲五
色萬年枝上鳳雙飛宮花正萼團華蓋御柳招搖拂
翠旗好向彤墀敷禮也大丁正番衣

浮丘懷趙相國

靈嶠浮來粵海中千秋勝槩劃然通王堂忽下不瀛
客瓊島來尋煉藥翁地迥似連三竺近樓高真覺萬
緣空無煩更歷湏彌頂坐對滄桑自混蒙

昭烈廟

宸居寥寂翠華空古樹參差宿霧籠興漢有心勞汗
馬報讐無計失英雄旄旌東指雲同散陣壘西沉路
不通惟有故宫禾黍在離離疎影夕陽中

出郊看花至東山寺

張廷臣 運使

日暖風恬結駟游青門路遶碧山幽花明每借遙峰

色鶯轉偏和王澗流下界郊原函翠靄上方樓閣抱
丹丘山間景物還依舊惟有韶華不易留

上巳社集喜葉化父至自羅浮

小院綠陰春半過追憶林下勝遊多麗人意態稱天
寶禊事風流視永和塵世隨緣醒鹿夢閒身到處訪
漁簑相逢更有羅浮客猶帶烟霞襲薜蘿

遊浮丘山

綠樹春濃玄鳥啼仙山映帶曲池西譚玄擬見丹砂
就籍草翻憐玉液携容與鳧鷖芳渚集參差樓閣暮
雲齊朱明此去蓬瀛近不似桃源路易迷

鉢池山

蘇民懷知府

鼓角斜陽散騎時秋風禾黍正離離荒原野燒留丹
井古寺空林有鉢池潏潏河水流天外合森森帆影雨
中移小山何處堪招隱腸斷淮南桂樹枝

秣陵秋思

極目平蕪綠未凋澹烟疎靄晚蕭蕭露華最愛翻梧
影霜意何妨到柳條兩岍砧聲揚子渡片帆秋色廣
陵潮庾樓莫更乘明月惆悵風前弄玉簫

歸燕

黃 鏊知縣

一度春風一度歸雙棲猶是舊烏衣細穿花徑窺人

語頻掠芹坭傍壘飛綵縷帶回容未改玉書傳去墨
初稀故家風景年年在知爾重來漫啓飛

夏日次會章純顯草堂小集

黎紹詵通判

結屋田間古徑西洞天深處路還迷三春澗草堪娛
鹿五夜篝燈解聽鷄投轄敢云河朔飲登壇重見浣
花溪不妨暇日頻臨眺剩有青錢掛杖藜

集純顯宅

細雨黃花白鴈秋餐英此日共淹留江村北屋西成
樂總石青樽薄暮酬蒼翠蒲庭生意動牛羊下隴野
情幽何處長嘯雲蘿外一卧滄浪問釣舟

贈別青霞鍊師

陳三德

舊約名山共息機年來真得遂初衣秋高鄴下雙鷺
至歲晏遼東一鶴歸袖裡龍文人罕識枕中鴻寶世
全稀丹成且莫言去還記江門有釣磯

過南浦陳方作玉叔招讌賦謝

走馬長安憶並遊十年消息自沉浮舊藏五岳圖仍
在新擬三都賦更優南浦寒雲當畫合西山積雨入
江流邀權正值瘡痍急願以旬宣翊帝猷

寄陳富伯兄弟

十里蒹葭入翠疎美人遙隔水雲居清宵欲上黃猷

舸塵路羞回阮籍車目極烟霄博兩鳳心隨湖海憶
雙魚干戈滿地堪垂淚何日相逢話故廬

秣歸阻雨

西去巴梁路渺漫瀟瀟積雨晝生寒孤城舉目空波
浪尊酒盟心出肺肝客夢易隨青嶂斷鄉心多共有
雲攢巫陽只在啼猿外愁絕陰靈起樹端

劉廷評鎮中乞歸養南還賦此贈之

法署含香二月餘飄然朝上乞歸書西山日暮鳥情
急南國天遥雁影疎不是劉殷能避召如何潘岳在
閑居故人燕市今餘幾塊雨風塵

度度嶺逢謝廣又赴漳州博率爾言別

嶺上相逢日欲曛旂亭立馬袂難分十年別有新華
髮三仕官仍舊廣文冉冉風塵悲異路翩翩詞賦想
凌雲蘭湖漳浦須臾一隔愁絕啼猿不可聞

曹溪寺曉起

葉夢熊官保尚書

空林曉壑弄泉流汗漫天涯事事休遼海欲為終老
計夜郎寧復故鄉謀漢烟秦草逢秋暮嶽色河聲斷
客愁淨掃石壇松影裏可能姓字托浮丘

薊門時有水田之兵

春風策馬薊門遊山色崔嵬護此州十二雲屯喧鼓

吹尋常虜騎滅旄頭新編士卒開農畝舊控關河列
戍樓共說 聖朝事干羽漁陽戰壘已成丘

遊靈洲別友

津頭相送意遲遲伐鼓開帆傍醉詩別去青山惟有
夢愁來白髮漸成絲築臺正擬江門住仗劍何堪海
國移獨怪醒餘天際隔峽雲汀柳轉淒其

遊白雲山

王弘誨禮部尚書

一上名山石磴懸禪宮高倚翠微巔江波泱莽晴常
雨海霧蒼茫斷復連緱嶺似乘鸞鶴下仙槎直泛
尋真訣自是人間別有天

遊峽山寺

縹緲烟霞四望開仙人此地有樓臺玉環已化猿蹤
隱丹竈猶存鶴馭回溪上碧桃和露種洞中瑤草傍
雲培捫蘿路入青霄近欲伴前山帝子哀

謁安期巖

姚光泮知府

仙子幽尋勝地遊獨探靈岫事玄修餐餘碧澗蒲仍
在煉就丹砂井尚留飛鳥久隨黃鶴去竒蹤長共白
雲浮徘徊巖下琪花笑便欲乘風跨十洲

雪

桂萼同雲四望賒紛紛飛絮徧天涯迎風夜拂江樓

月匝地寒深水國葭散步謾移東郭履懷人遙放剡
溪槎最憐元寶多幽興愛客頻堆蒲徑花

送壁菴兄之慶遠

秋風五馬向宜陽對酒其如別思長掛席謾移梧浦
月褰帷猶拂栢臺霜萬家竹騎喧龍水千里心旌逐
鴈行知爾舊遊今出牧蒲城桃李映甘棠

太史史聯岳飲翠洞步韻奉會

半畝林塘傍郭西蕭蕭門巷野烟迷何期漢使天邊
至猶問幽人海上樓宮錦光流松菊徑郢歌聲遶水
雲堤一丘自分甘棧老杉華

春日偕里中諸公宴直指李方麓公子小園

以詩投贈依韻賦謝

僻巷傳呼使節來太微光自映三台清風細引疎簾
竹紫氣晴氲曲徑梅感慨停驂猶問俗登臨舒嘯且
銜杯深宵莫惜頻相勸驄馬明將發粵臺

題樊隱君冊

徐世敷 運判

扁舟范蠡更誰如大隱仙城近市居海宇雲山供笑
傲江湖踪跡混樵漁燒丹未返華陽洞掃經常過長
春事盡得高眠生 聖世傳家不著茂陵書

淮中寄懷姊丈粵橋何計部

宦海參商已十年，憐君龍卧穩林泉。含香每憶堪前席，煮海何如擁笑鞭。世路一官十馬，家山萬里。蕉懸相思欲擬歸來賦，子舍汾陽簇玳筵。

送金生親婚入太學

風流曾擅少年場，上苑驕駟逐電光。香合鳳簫環珮冷，席分羊石鬱金香。漳河去去雲烟緲，壁水遲遲日月長。得意看花消息近，坭金應寄隴頭芳。

廷試早入左掖

胡所思 知縣

左掖廊迴月轉西，露華猶浥報晨雞。香浮御宇朝儀，霜蹄謬嬾執簡螭頭下。對罷天門日未低。

和賈舍人早朝大明宮

紫宸初啓碧天長，鵷序瑤階曙色蒼。拜舞衣冠瞻舜日，昭回文物煥堯章。光生寶扇分鸞影，烟裊金爐燃獸香。共際明時諸宰輔，五雲深處侍天王。

贈徐合川南歸

憶昔西城少小時，相看華髮漸成絲。荒村覽勝曾聯榻，上國觀光喜共馳。鄉緒幾隨流水去，別情都付酒杯知。臨岐未得同歸棹，把袂殷懃一賦詩。

咏白鶴花

白鶴花開八月秋
水姿雪質玉雕
翎集還如戲水鷗
華表乍歸雲
悠悠烟花嫩
逐揚州去
飛向棗堂
伴客遊

午日同黎惟敬泛舟

暑雨初晴夏五辰
買舟沽酒穗城濱
停撓滄泊珠江
曉彈板高歌玉樹春
竟日遨遊經別墅
凌風搖曳過通津
碧花細柳盈歸路
盡屬扁舟適意人

夜坐有懷仰川并寄二弟

靈洲祖席重離羣
秉燭狂歌酒半醺
天地還誰知此意
江山喚我負斯文
虛人君夢繞三江月
憶昔青

嶺雲南首北馳
無以意岍梅汀柳共欣欣

見葉落有感

庭樹涼侵昨夜颼
曉來落葉響蕭蕭
梧桐影裡隨風舞
萸菊香中帶雨飄
黃墜已憐翻短砌
綠陰無復上柔條
挺然歲晚看松栢
獨抱寒芳未易凋

和黎瑶石寄懷

玉樹瓠花碧逕長
武陵人遠憶仙郎
孤軒對酒情愈重
四月尋春花更香
寂寞不堪歌北枕
穠華疑是近東皇
飄飄幾度關城月
兩地相思各一方

早春

每愛春來便浩歌芳心其奈異鄉何數莖短髮開中
理三載長安夢裡過寒谷煖回梅影瘦霜臺春
聲和東風吹起豪游與何處亭塔月色多

別弟惟節光上

黎民襄訓導

曾於藝苑著雄文豈爲吹噓入五雲老去宦情應識
我時來劔氣獨憐君花開客舍尊堪把草綠池塘夢
又分自昔黃金招駿骨音書南鴈好相聞

歐使君雨連以詩見寄次韻奉舍

五馬龍蒸蚤著聲湯勞滄海訊鷗盟傳來隴使春如
見夢裏王孫草自生五日吹葭堪對酒暮雲殘角

舍情共嗟桂樹千叢發不減燕山竇氏名

贈方元素次汪司馬韻

跌宕還高猛士風黃金不惜客途窮竭來飲馬長城
窟忽漫尋僊大海東南武衣冠餘涕淚蒼梧風雨轉
空濛爲談殊錫嗟司馬功在麟臺石畫中

送林山人還閩

海上丹砂不易逢如君微尚幾能同他鄉對酒兵戈
裏故國移居感慨中遠浦帆檣開雨雪高樓詞賦倚
春風羅浮亦有金銀宅遲爾重來訪葛洪

始至金陵承姚余二侍御過訪

龍虎紆迴王氣中千秋閭闔鎖玲瓏山河影射王侯
宅松檜香飄御史廳竹逕幸無題鳳侶蘭臺還倚棟
鵬雄晚來雲霧滄洲隔搔首長空思不窮

霜夜拙清樓聞笛

暮倚高樓待月生龍頭湘水共淒清風前響逐流雲
駐簾外霜兼亂葉鳴折柳夢中驚絕塞哀鴻天外度
孤城庾公正有登臨興不似山陽轉動情

遊琪林觀

擁褐青山歲月賒詎知城闕隱僊家千年珠樹歸黃
鶴一逕桃花落紫霞龍虎尚傳茅氏訣乾坤惟有羨

脚踏白首玄心在儼沉銀河八月槎

登舟見月懷鄉友

鍾于田通判

春日花開祖道前秋風人上潞河船紅塵易變干時
髮新月殊明故國天四顧江山猶昔日一分襟袂卽
經年玉樓雨地光輝滿南北相思益渺然

自嘆

歸去來兮歸去休爲園瓜果未全收膏肓久矣甘泉
石筋力何因困馬牛莫問韶光如逝水總之人世只
浮漚百年便作千年計不到西風也白頭

初夏樓居督諸子館課

潦倒無心問郭田小樓風入抱書眠河清有幾人爲
瑞酒熱能酣濁是賢但以一經傳世業不妨雙引
餘年從來稽古高門第可負韶光却自憐

方寅所得捷南宮便道省觀月夕過訪

徐登教諭

昔憐寂寞故人疎忽漫過從駟馬車月下未傾謀婦
酒此間先到故人廬作霖已自饒商說獻賦曾首薦
予虛千里乍回珠水掉綵衣今見縮銀魚

燕中逸雲岳使南都便道省觀

使者承恩出紫微南征偏喜近庭闈行經白下花初

放別向都門柳正飛分山乍辭荆湘閣傍豈應著

萊衣笑看昔日題橋處爭前相如駟馬歸

簡水南黎伯亨

梁沛同知

一島清風接海霞水南風景最堪誇上籬薯蕷春添
莠繞屋棋榔夏放花獐犬入山多鹿豕小舟出港足
魚蝦誰知絕島窮荒地猶有幽人處士家

二月宿小圃山家用唐韻

提筐我入採山芝正是春分二月時澗草雨餘浮綠
遠巖花風軟送香遲緣崖躡屐探奇嶠坐樹斜身凭
曲枝暫借此中閑數日鹿麋不是老相知

題飛來寺

徐士唐評事

凝碧灣頭艤釣船，
捫蘿凌絕訪諸天。
晴暉忽散千峰雨，
虛谷惟聞百道泉。
唐宋碑殘思幻跡，
禹陽仙化是何年。
登臨便欲離塵網，
卜築幽棲學問禪。

冬至齋居

李學一提學副使

玉署齋居入夜清，
星河錯落瑞烟橫。
圍缸將舉明禋典，
百辟同輸夙戒情。
律管度灰知應氣，
芸牕梅榦欲抽英。
窮簷多少凋零恨，
願得陽和爲發生。

可度嶺

滇程歷盡又黔中，
鳥道依然入碧空。
石磴磷磷步藓漬，
松林藹藹翠烟籠。
山僧伐石修危路，
野老誅茅葺舊宮。
直到凌虛臺上望，
儼如身世在崆峒。

其二

馳驅終日度崇山，
何處人家翠靄間。
鷄犬數聲雲外落，
峰巒千疊屋前環。
田園雜遝桑麻滿，
林木青葱鳥雀閒。
疑是避秦人尚在，
只今世遠不知還。

題秋水澄源卷

白露團團被林蓐，
龍門巨浸清如玉。
萬頃玻璃星斗涵，
一泓寶鑑鬚眉燭。
月明風澹寂無波，
霧散烟銷翠若何。
塵心對爾忽然靜，
時向濯纓發浩歌。

越王臺

鄭用淵通判

越秀山前百尺臺尉佗從此闢蒿萊開疆却藉任囂
力歸漢還馮陸賈才鴈翅城連青嶂合虎頭門湧碧
波廻荒基此日惟秋草不見當年鳳輦來

虞美人草

憶昔鴻門碎玉杯八千兵盡楚人哀可憐一代傾城
色別却重瞳蓋世才祗有英魂依蕩草漫將香骨掩
蒿萊花時猶似丹砂艷長 向東風幾度開

送周少參入賀何道省覲祖母及二尊人

陳 崑光祿卿

使君擁傳入 熙朝駟馬因過萬里橋雙闕望遙紅
日迥太行家近白雲遙庭闈三壽南山老金鑑千秋
北斗杓移孝為忠應自許可誰攀附上青霄

度庾嶺謁張文獻公祠

百粵山川大庾開車書玉帛自東來誰將禹鑿通堯
域故遣重關逼上台一代勲勞天地老千秋獻納占
今才差將薄劣瞻祠宇不盡松風萬壑哀

望匡廬山

匡廬萬仞出芙蓉猶似峩峩泰華峰古刹有碑蒼蘚
合天池無路白雲封空聞縹緲仙踪遠豈為登臨野

興慵願得他年禽慶約扶筇采藥日相從

遊東林寺

漫對匡廬紫翠中幽棲聊與古人同千年芳躅惟陶
令三笑何年是遠公池上白蓮塵不染壇邊玉井淨
如空虎溪莫種桃千樹恐有漁人路漸通

道中聞三極殿大災

頻年宮殿火爲災萬里孤臣首重回罪已有言勞
聖主格天何日悟輪臺誰開樞府弘羊網正憶和羹
傳說梅憂國杞人空有淚東南民力可勝哀

送黃肖源憲副之滇南兼懷陳毓臺中丞

使君矯矯入滇南萬里褰帷擁駟騶今馬山城千巖
嶂昆明池水百花潭去時楊柳逢春色到日風霜掃
夕嵐幕府過從如問訊爲言頭白不勝簪

雲谷書院謁白沙先生祠

嶽岬千盤石磴通諸峰蒼鬱白雲叢兩崖泉響傳空
谷萬壑松濤度晚風臺上有碑封茂草橋邊流水斷
殘虹憑闌豈爲悲秋色仰止高山思不窮

白雲巖瀑布

天開巉巖結層巖巖巖瀑砢砢石削巉坐上風雷通晝
鮮前烟雨濕衣衫銀河倒落飛如練白雪酣歌興

不凡酒罷津頭尋去棹輕風搖颺送歸帆

送袁憲副備兵貴竹

王師十萬獨征西借箸憑君靜鼓鼙劍劃五溪山月
小寒生三尺暮雲低蠻夷魄奪旄頭落魍魎愁驚馬
首嘶回望九重天闕近擬將銘勒報金泥

秋日顧直指招飲鎮海樓

飛樓百尺白雲停太史曾占有使星栢院風清消暑
氣香醪杯綠泛滄溟屏開疊嶂芙蓉出暮靄叢材罨
畫青驄馬到來山嶽動越裳何處不來庭

百粵吟

粵王臺上氣蕭蕭萬木驚秋景寂寥馬首憑陵傷苜
宿鵲巢樓斷怨鷓鴣笳聲月落心如折鴈字風高影
欲搖野老臨江空悵望乘槎欲泛海邊潮

其二

遙從南徼遡中原玉帛車書統至尊東去羅浮紅
日近北瞻庾嶺紫雲屯越裳重譯周官在橫海樓船
漢主恩不分芙蓉秋亦老物華凋弊可誰論

讀蜀志

空名誤脅上樓船五百遺金已盡捐逆黨羅才成網
罟蛾眉殃妬失英賢孤臣豈意投荒裔千古堪憐是

謫仙史有闕文誰爲補令人嗚咽夜郎年

聞播州報捷

功成莫是欲心驕媚子貪人滿市朝民瘼覆盆無白日天威何處不商飈傷弓驚鳥千林寂涸轍枯魚一水遙共道關梁非上意可堪狐鼠盡爲妖

送何侍御出使三吳

五花驄馬下三吳擁蓋寒帷夾道呼擊隼霜橫凌白日射鷗風急落平蕪簡書尺一絲綸重驛路皇華劍履趨四海只今漁獵盡馮君鳴鳳在高梧

壽黃愚任明府八十一

壯日風雲憶共艘雄心滯暮木宮降百一交誼誰同調一曲梅花秭共腔仙籍新傳青鳥使吳儂舊識碧油幢只今吏隱成霜鬢歲歲惟應倒玉缸

冬日訪唐寅仲青門隱居

薜蘿爲徑竹爲門蒼鬱紆迴自一村簾幙遙開千里色烟霞晴繞萬山攢松濤風掃鷺逾響鳥雀寒深寂不喧幽意獨超塵世外相看賓主共忘言

人日曉起

柳芽微露綠將勻睡起東窗物色新雙蝶夢回身是客七萸開處日爲人門闌剪綵爭誰勝嶺海晞暘總

是春跨馬出郊時遠眺將因杯酒問花神

送袁大叅之任海北

匹馬蕭蕭出海邦輕裘緩帶碧油幢望懸合浦人千
里歌徹驪駒笛一腔方岳諸侯誰是長文章國士已
無雙憑君保障消殘壘不必談兵菜受降

葉午溪節推取道柳州適逢九日與諸同寅敬

約小集

陳大猷副使

殊方令節醕筵張秋氣蕭森透客裳作賦自慙司馬
句登臺猶羨孟嘉狂山凝紫氣三江淨水落微霜
樹黃燕笑羣公強健在年年萸菊任徜徉

署中讀陳貫峰山人贈言步韻

巖程飛棹向西河清夜還思白雪歌綵筆新題占氣
象高人幽興寄烟蘿問竒深恨趨從父引蒲允憐意
氣多更愛盧敖交誼重論心天地聚羊何

懷弟

初冬解纜思匆匆萬里懷人兩地同父客漸疎姜被
夢長征猶戀白雲東夜殘風雪驅羸馬歲杪關山斷
去鴻聚首清宵知不遠玉河春色正青葱

送鳴志弟北上補選

三冬離思繫浮槎離菊天邊盡吐華策馬不迷度嶺

路驅車遙指帝王家一杯共對珠江月萬里晴看碧
海霞驛路有人頻折寄愿聞清夢筆生花

和陳明佐花朝韻并懷其弟明瞻

劇飲何須問酒帘望來天角月纖纖花朝煖入春容
媚栢葉濃分野興添布被夜增池草夢葛巾時羨酒
杯淹苔痕十日無人破飛絮繁花落宿雨霑

邀王省軒光祿入社

論文廿載共從容製錦翩翩正氣中一自朝陽鳴瑞
鳳于今湖海野人龍青山暫假勳卿傲白雪應為
此宗聞道仲宣多賦咏西園負笈喜趨從

厓門吊古

去中華力不支一時神器屬胡兒波濤怒激龜鼉
奮風雨愁聞鼓角悲靈馭九原隨鶴化忠魂千載翊
龍飛登臨何限傷時淚揮向厓山剔古碑

送陳士鶴赴進士舉兼柬黎惟敬歐楨伯梁彥

國諸公

梁岳同知

把袂驪歌越水濱况逢秋盡倍傷神風塵赤羽須看
劍世路青雲好致身別後幾虛連社月到時應戀曲

春前門舊侶如相訊為報烟霞一葛巾

春日同陳重衡熊楚伯西園聽鶯得萍字

宿雨初收報曉晴名園深處有啼鶯一杯共向花前
聽百轉遙傳柳外聲吟罷幾人閒白晝愁來孤劍按
青萍堪憐此會饒幽思莫遣春愁感慨并

聞海寇犯省城

艤艦巨艦捲江濤殺氣漲陵海嶽高轉戰湯勞徵虎
旅談兵虛道識龍韜烽烟一望歸心折鞞鼓頻聽客
夢勞銅柱勳名堪此日時危誰贈呂虔刀

暮春燕京懷歸

長安春盡落花多越客思歸意若何節序幾從愁裏
過家山頻向夢中過西京形勝雄三輔北鴈音書

九河燕市酒爐堪買醉莫將留滯起悲歌

得孔適弟仁和明府書

別爾東來歲已周爲探奇勝數淹留芳尊夢醉琴堂
月候鴈書回海國秋鳧鳥卽看仙令起鱸魚偏動季
膺愁吳山剡水佳期阻一夜相思欲白頭

翠微閣晚眺

絕頂躋攀路不迷醉憑飛閣訪禪西微茫下界諸峰
小指點平原萬木低丹壑烟深迴鶴馭綠楊春暖聽
鶯啼絲毫擬就登高賦不數任翻壁上題

曉過穀城寄張明府

遠道驅車過穀城江天旭日轉新晴芳郊隱映千花
麗碧樹遙連百雉平春盡浦雲低鴈字風微柳谷紅
鶯聲行邊剩有雙龍在不遇張華祗自鳴

浙河春望

鄭學醇 知縣

東風吹暖拂纓塵草樹依微入望新繡陌曉嘶金勒
馬畫簾春倚玉樓人陽和喜就他鄉色遲暮偏憐
裊身煙景五湖天共遠斷腸歸鴈數聲春

秋懷寄梁先仰

淅淅秋風吹薜蘿忽驚新鴈度金河千山月色離魂
照一夜秋聲病枕多促織寒催短鬢踈砧敲

青娥瑤華滿地還堪舉欲寄相思奈遠何

園亭夏日

桔槔長日掛斜暉老向園林久息機病後尚思求馬
渤倦來無復理牛衣蟬蛩總悟歸空幻蠻觸何勞計
是非極目蒼蒼煙水濶綠陰新滿釣魚磯

野人廬

觀源洞口覓仙踪雲瑣仙山翠幾重啞虎夜驚千歲
鶴碧鷄春喚萬年松藥槽自引靈泉洗丹竈猶餘絳
雪封風景蒼蒼人去遠杖藜何處得相從

塞上曲

南歌賦 卷之二 六

羽書飛奏漢明光
詔護諸軍出塞場
捲甲夜趨邀虜
騎彎弧秋淨射天狼
黑山戍外雲光白
青海城邊日色黃
沙漠未清心不死
夢中猶逐左賢王

秋日同劉陸韋諸博士冰井寺讌集

寺後秋山落木紛
寺前秋色淨沄沄
巖阿雪作千花散
石竇泉從一道分
鐘定乍飛貝嶠月
劔歸猶帶洞庭雲
天涯莫送馮高日
何限聯翩北鴈羣

伏日村居寄歐陽崇積

李 試知縣

踏踏歌來世路浮
故鄉迢遞去還留
青

日橋人一丈
頂

成秋何時蘭玉齋
前酒蘿薜初衣傲十洲

行經下邳時
河決殊甚感賦
黃應兆 知府

天歎倒瀉入河湍
極望郊源總斷魂
荒樹籠烟猶處
處短茅隨浪自村村
忍饑相向啼沉竈
避地無由問
郭門痛哭居然勞
賈誼馮憑誰圖狀
叩天閭

題楊氏山居

卜築青山鹿豕隣
相逢疑是葛天民
圖書萬軸生涯
古水竹千年景物
春叔夜忘機隨造化
阿戎繼志足
經綸山花休傍衡
門笑早晚春風自
紫宸

過石門謁吳隱之祠

張繼先 封知府

江上扁舟晚自移，片帆孤槳共遲遲。
長堤芳草初晴後，隔浦黃梅欲雨時。
野戍寒烟餘壁壘，荒祠落日漾漣漪。
清風千古推憂絕，一掬貪泉誓不淄。

聞讓兒初轉憲，副郎欲陳情侍養賦，此諭止。

聞汝殊方已報成，星軺欲返夜郎城。
君恩已荷綸褒，詔子舍何慙祿養。
名萬里似應留執憲，一封何事更陳情。
乘時策業光青史，莫向家園負聖明。

海舟乘月夜歸

王沂懷遠將

露下空明夜氣清，天迴銀浦碧泠泠。
潮生滄海三更月，霧散平蕪數點星。
照水流螢搖短燭，驚鷺分沙散晚汀。
望來鄉井不成寐，滿鬢霜風吹酒醒。

新春湯輿

應節東風隔歲回，綺樓雲物共裴徊。
未傳暖律催金柳，已有春光到玉梅。
雙燕社前迎細雨，羣龍江上走輕雷。
遨遊莫向良辰負，管領韶華入酒杯。

軍中秋夜感賦

劍拂寒光子夜秋，屯雲戎馬尚淹留。
時催鴈字歸炎極，誰補龍章侍冕旒。
天宇漸清塵土夢，秋聲偏動野人謳。
月明自是孤吟侶，迢遞何心上庾樓。

滕王閣

朱士讚詹士主簿

洪都飛閣俯江開，畫棟凌空逼上台。當日登樓人已
往，千秋尋勝客重來。地隣彭澤風斯遠，天入衡陽雁
未回。帝子飛仙何處去，浮雲遙隔萬山嵬。

秋望

潘光統 署正

粵王樓閣引飛巒，別苑離宮草樹殘。正朔已非秦日
月，朝臺猶憶漢衣冠。風生禾黍樵歌歇，秋入關河夜
柝寒。閑倚青萍時極目，不知何處是長安。

冬日同歐楨伯過訶林訪鄧毓元梁彥國

嚴霜昨夜掩蒼苔，竹院蕭然一徑開。持律欲尋支遁
去，譚禪真爲戴顓來。花宮日落催寒磬，蓮社人歸問

酒杯吟眺已忘山路，法筵興隨烟月放歌回。

夜過海珠寺

雪殘江上水如天，重過空門一繫船。小隱欲尋中閣
去，閒身先借上方眠。我詩夜乞繙經火，煮茗寒分供
佛泉。滿眼風塵欺短鬢，無如初地學參禪。

和張山人蘓給事厓山十咏

厓門峭削半侵天，亡國遺蹤倍可憐。雲樹尚疑宮扇
影，海氛猶似御爐烟。珠襦埋沒空山裏，玉殿荒涼遶
水前。一自翠華流落後，至今陵木怨啼鵑。

其二

祥興國脉僅奄奄海上奔亡自景炎萬里何人歸馬
革九淵無地挽龍髯心存死難應千折事去焚香更
一占盡瘁共憐三相國慈元依舊對宸嚴

遊蒲澗因過鶴舒臺

丹竈烟銷掩綠苔求仙何處訪蓬萊阜鄉亭下空遺
鳥蒲澗泉邊尚有臺雀馭已隨龍駟去青山還倚
雲開衰顏最憶神樓散一七誰分入酒杯

暮春同鄧君肅陳垣卿黃幼章陳士鵠梁仲全

集黎惟仁山樓

外殘鶯聲送夕陽西泉分石澗聊堪煮酒有隣家
用携十載青藜曾共對故人今已直金閨

錢叔寶約遊羅浮畚詩促之

蕭條無地散離憂何處風烟是虎丘遠道莫酬青玉
案尺書猶到白蘋洲雲停嶺樹頻翹首月滿江城各
倚樓聞說南來求大藥山靈先已候羅浮

梅花賦別贈黎惟仁之京

離亭歌罷促征鞍白首交情作別難詞賦人推題柱
客江湖天遠釣魚竿尊中竹葉三冬暮嶺外梅花一
騎寒却笑清時招駿晚高臺今始築長安

同楊祠部懋功遊摩訶菴

紅塵十里入招提
花木陰陰可杖藜
三徑風烟人世外
五陵秋色帝城西
青山欲共深公買
翠竹多逢阮籍迷
一卧雲房心便息
更從何處覓丹梯

除夕過黎惟敬宅守歲

風塵冉冉歲華徂
傲吏歸心寄五湖
舊社曾同開竹徑
異鄉猶得共屠蘇
杜陵三禮年遲暮
燕市千金事有無
洛涘已知成拙宦
季鷹元自憶尊鱸

集梁思伯宅送黎惟敬得空字

七岳雲山望不窮
離心何處托飛鴻
金莖氣色徘徊

外碣石旌旗落日中
前席舊承宣室召
出關今值虜塵空
卽看萬國來包匭
不羨葡萄入漢宮

盧允傳同過舍弟肇恩野人廬

烽烟何處散幽悵
共向幽居訪桂蓂
繁影階移青竹日
微涼池汎綠荷風
閒看世事浮雲外
老寄詩名濁酒中
試問當筵詞賦客
清才誰復似盧鴻

詠梁氏鏡林

鄧時雨 封知縣

新亭結構散湖光
一派晴沙映石梁
倚檻雲來芳樹合
開簾風度芰荷香
波澄似見魚龍窟
市遠疑同水竹鄉
更泛扁舟明月夜
棹歌還聽和滄浪

豐湖晚步同黎惟和賦

長江宛轉入湖清十里波光見月明
隱隱暮烟三島沒漪漪秋水兩橋平
隔林香靄疑禪定曲岫風迴送水聲
芳樹斜陽無限思隄邊孤舸有桡鳴

花朝集黃幼彰欣賞亭得泉字

坐愛韶光二月天幾逢幽賞習池邊
花明雨後垂清露柳禪風前弄翠烟
風雅總高金馬客踈狂應笑竹林賢
共歡斗酒襟期合啜茗猶分石上泉

夏日社集梁仲登訶林別業得幽字

花一逕幽新開蓮社傍林江有時

度亭午雲霞靜欲流久坐頓忘龍樹寂
玄談何必虎溪遊追歡正喜羣才集
竟日琴尊可共酬

九日同梁思立王正之諸子集訶林湛上人方

丈得黃字

蕭寺過逢共舉觴無邊秋色入重陽
菩提帶雨猶分翠菊葢含霜半吐黃
趺坐漫思參大乘翻經聊復禮空王
勝遊祇爲開蓮社何用登高落帽狂

拙清樓同梁公實夜談

樓前山色散晴曛蘭氣飄香座上聞
藻思中原誰竝駕詩名海內獨憐君
問奇遠過能携酒開徑頻來只

論文相對清宵明月滿碧天涼籟散江雲

天壽山謁陵

勞紹科進士

天壽凌空紫氣森 九陵宮殿倚蒼岑 銀山北望煙霞迥 玉帶東來翠黛深 複道日晴香篆裊 寢園風起栢搖陰 鼎湖龍去雲猶在 長護瑤臺萬樹林

留別廣昌李吏部

葉基同知

蒹葭秋早望中央 遙捧綸音下建章 一束琴書燕薊色 半帆風月廣昌航 故人共指開元後 遊子應憐異域長 他日天涯如寄憶 早移舟楫度洪江

終

